



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXXV. Pro necessitatibus Captivorum Christianorum.

---

[urn:nbn:de:hbz:466:1-74715](#)

obtinet, Religiosis, qui curam animarum incumbant, magis indigeat. Ipse vero modernus Procurator Generalis, quo prædicti Religiosi ad officium hujusmodi diligenter exercendum incitentur, supradictum Indultum a memorato Urbano Prædecessore ad favorem prædictorum Letitorum, seu Magistrorum Novitiorum concessum, ut præfertur, ad eos Religiosos dicta Congregationis, qui per sexennium in ea curam animarum exerceerint, itaut ipsi in affectione Prælaturarum prædictarum pro tempore vacatum, dummodo tamen conditionibus in prædictis Urbani Prædecessoris literis requisitis prædicti sint, aliis præferri debeant, quemadmodum lectores preferuntur, per Nos extendi, & ampliari plurimum desideret: Nos prædicti moderni Procuratoris Generalis Votis, quantum cum Domino possumus favrabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, & attenta relatione bo. me. Leandri dum vixit ejusdem S. R. E. Cardinalis Collordi nuncupati dictæ Congregationis S. Salvatoris apud Nos, & Sedem Apostolicam Comprotecoris, eisdem Cardinalibus facta, petitam simili Indulti extensionem ad favorem illorum Religiosorum dumtaxat, qui in posterum laudabiliter curæ Animarum incumbent, in illis Ecclesiis dumtaxat, quibus infervant ipsi Canonici Regulares, ibique vigeat Regularis observantia, auctoritate, & tenore prefatis concedimus; Salva tamen semper in præmissis auctoritate Congregationis eorumdem Cardinalem.

Extensio Indulti ad eos folum, qui Curati sunt in propriis Ecclesiis post sexennium.

Clausula:

§. 2. Decernentes, easdem præsentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore spectabit plenissime suffragari, & ab eis respetive inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri deberet; ac irritum, & inane si secus super his a quo quam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon omnibus, & singulis illis, qua in eisdem Urbani Prædecessoris literis concessa sunt non obstat, ceterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis manu alicuius Notarii publici subscriptis, & sigillo personæ in Ecclesiastica dignitate constituta munitis, eadem prorsus fides ubique locorum habeatur, qua ipsi præsentibus habetur, si forent exhibita, vel ostensa.

Datum Romæ apud Sanctum Petrum sub Annulo Piscatoris die XVIII. Martii MDCCIX. Pontificatus nostri Anno Nono.

LXXXV.

Mandatur Ordinariis Italiæ, & Generalibus Religiosorum, ut saltem bis in anno Populo commendari current necessitates Captivorum,

Similis Constitutio ed. fuit 1701. Nov. 18., P. 1. pro indigentia Locorum Sacrorum Terræ Sanctæ.

Et Inn. XIII. Const. ed. 1711., Nov. 21., P. 1. Hujus Pontificis Const. ed. 1713., Sep. 16., P. 13. extat huc simile mandatum.

### CLEMENS PAPA XI.

Ad futuram rei memoriam.

Cum sicut dilectus filius modernus Procurator Generalis Fratrum Discalceatorum Congregationis Hispanæ Ordinis Sanctissimæ Trinitatis Redemptoris Captivorum Nobis nuper exponi fecit Christifideles multo numero subdura Barbarorum servitute cum gemino corporis, & animæ periculo detineantur, & in illorum redēptionē dilectus pariter filius Mauritius a Sancto Joanne de Matha frater expressus professus Congregationis prædictæ in Oppido Civitate nuncupat. Liburni a suo Superiori Generali, & Definitorio juxta laudabile Congregationis hujusmodi Institutum deputatus fuerit: quia verò modica in Redēptionem eorumdem Christifidelium Captivorum subsidia conferunt, unde eorum calamitates, & pericula in dies ingraevēnt, dicitus Procurator Generalis Christifidelium pietatem ad opus adeo pium excitari plurimum desideret: Nos ipsius Procuratoris Generalis votis hac in re quantum cum Domino possumus benigne annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, & attenta relatione dilecti filii nostri Raynutili S. R. E. Presbyteri Cardinalis Pallavicini nuncupati dicti Ordinis apud Nos, & Sedem Apostolicam Protectoris super præmissis eisdem Cardinalibus facta, Venerabilibus Fratribus Patriarchis, Archiepiscopis, & Episcopis, ceterisque locorum Ordinariis Italiae, necnon dilectis filiis Superioribus Generalibus quorumvis Ordinum, Congregationum, & Institutorum Regularium harum serie auctoritate Apostolica præcipimus, & mandamus, ut saltem duabus vicibus quolibet Anno, Adventus scilicet, & Quadragesima temporibus in suis respetive Ecclesiis, tam per verbi Dei Prædicatores in Sacris Concionibus, quam in aliis actionibus, & functionibus publicis prædictorum Christifidelium Captivorum miseras, & calamitates Populo proponi, & commendari current, & faciant, ut eorum exhortationibus stimulentur Christifideles ad elemosynas largiter conferendas, quibus prædictus Mauritius, seu alii Redemptores dictæ Congregationis Hispanæ eodem Captivos a dura servitute hujusmodi redimere, ac illorum spirituali, corporalique saluti, Domino benedicente, valeant providere; salvam semper in præmissis auctoritate Congregationis eorumdem Cardinalium.

§. 1. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 2. Volumus autem, ut præsentium literarum transumptis, seu exemplis, etiam impressis, manu alicuius Notarii publici subscriptis, & sigillo Personæ in Ecclesiastica dignitate constituta munitis, eadem prorsus fides ubique locorum tam in judicio, quam extra illud habeatur, quæ haberetur ipsi præsentibus, si forent exhibita vel ostensa.

Datum Romæ apud S. Petrum sub Annulo Piscatoris die XXV. Maii MDCCIX. Pontificatus nostri Anno Nono.

Dat. 25. Maij  
1709. An. 9.

Preces Pro-  
curatoris  
Gen. Ord.  
SS. Trinitatis  
ac Causæ  
præsentiæ  
Constitutio-  
nis.

Mandatum  
prædictum.

Con-